



Boletin informativo Karkó

Karkó



Sopi di Karkó, Karkó Hasa, Karkó Stoba... ora nos papia tokante Karkó, hopi hende su mente ta bai mesora riba e diferente maneranan pa kome Karkó. I esei pues mesora ta e problema di e animal único aki di nos laman. Pasobra a fangu e kokolishinan pa hopi aña, tin menos i menos di nan.

Karkó ta un hèrbivor (e ta komo mata) i pasobra e ta kome lima i yerba di laman e tin un funshon importante den ekosistema. Bestianan manera e tartuga di laman kawama (dikkopschildpad), sekat, tribon di santu i kref ta kome Karkó.

Den e boletin informativo aki nos ta mustra kiko ta e funshon di Karkó den e kadena di alimentashon i kiko nos por hasi pa Karkó no disparsé for di nos laman.



*Mas informashon tokante e departamento NME
(Natuur en Milieu Educatie) di Carmabi bo por
haña riba nos:*

Website: www.carmabi-educatie.org
Facebook: [carmabi NME education](#)
Instagram: [carmabi nme](#)





Boletín informativo Karkó

Animal kurpa moli

Karkó ta pertenesé na e departamento di 'weekdieren'. 'Week' na hulandes, kier men literalmente 'moli' i eseí ta bérdat: e animalnan aki no tin un skelèt interno, pero hopi biaha si nan sa tin un skelèt di kalki eksterno (òf un kokolishi). Animal kurpa moli ta di sanger friu; nan no ta produsí kayente di nan mes i nan tin mesun temperatura ku nan bisindario.


Den e deparamento di animal kurpa moli ta pertenesé sòldachi (manera karkó), kokolishi di dos banda (tweekleppigen) manera uster i sekat.

Nan kurpa ta konsistí mas o menos di tres parti: e pianan, e órganonan i un mantel. E kokolishi ta krese na e parti ku nos ta yama e mantel. Den e mantel tin e kiwanan tambe, pa asina e sòldachi por hala rosea bou di awa. Ademas, den e mantel tin e sélulanan, ku ta traha e sleim típiko pa soldachi. E kapa di sleim aki ta duna nan mihó protekshon kontra kambionan di temperatura, contenido di salu i humedad.

Reprodukshon



Bo por mira e diferensia entre machu i hembra hopi kla serka karko. E machunan ta fertilisá e webunan di e hembranan, tanten e webunan ta den e kurpa di e hembra ainda (fertilisashon interno).






Boletín informativo Karkó



Despues di e fertilisashon e hembranan ta pone e webunan fertilisá den hilu largu di sleim (kadena). E hilunan aki parse un bala di spaguèti tur na santu.

Den e paketenan aki por tin shen milnan di webu.

Despues di 5 dia e larva ta sali for di e webu i nan ta wòrdú hibá dor di koriente di laman. E larva ta pasa mas o menos 18-40 dia ta zuef komiendo plankton, promé ku e establesé su mes den fondo di laman i kambia bira su forma adulto. Despues di un par di luna e sòldachi ta mas o menos 3 cm largo. E karkó ta yega madures ku mas o menos 3-4 año.



E sòldachinan ta yega nan grandura máximo ku 3-5 año, nan ta krese bira un máximo di mas o menos 30 cm i nan ta pisa 5 liber. Karkó ta un sorto ku ta biba largo, ku generalmente por yega 20-30 año, pero e durashon di bida máximo ta wòrdú balotá pa ta 40 año.



Durante henter su bida, e mantel di e karkó ta keda hincha e kokolishi. Den e promé año di bida e animalnan den kokolishi ta biba bou di santu den dia i anochi nan ta sali pa kome riba e superficie di santu.



Boletín informativo Karkó

Kadena di alimentashon

Karkó ta un hèrbivor (komédó di mata). Nan ta kome prinsipalmente lima i yerba di laman.

Karkó i otro hèrbivor manera Gutu tin un papel speshal den ecosistema. Pasobra sin hèrbivor lima lo por krese eksplosivamente, ku lo pone ku awa transparente por kambia bira un sòpi bèrdè trubel.

Hopi bida den laman, manera koral, mester di awa di laman transparente pa por sobreviví.

Pues hèrbivor ta un konekshon importante den kadena di alimentashon.

Karkó mes tambe ta sirbi como fuente di alimentashon pa diferente sorto di karnivor (komédó di karni), manera kawama, sekat, tribon di santu i kref. Pero e enemigu di mas grandi di karkó ta hende.



Peska eksesivo



Antes por a haña Karkó den praktikamente tur bahía di Kòrsou (manera Spaanse Water), den vèlt di lima i riba ref. Awendia e animalnan bunita aki a dispersé kasi tur kaminda pasobra a piska nan den ekseso. E Karkó ku nos ta kome na Kòrsou no ta wòrdú di fangu lokalmente, pero ta wòrdú importá.





NATUUR MILIEU
EDUCATIE



Boletín informativo Karkó

Programa di reprodukshon



Karkó ta vulnerabel pa wòrdú piská den ekseso pasobra nan ta krese relativamente poco poko i ta fásil pa hende fangu. Awendia nan ta asina skars ku nan ta wòrdú protehá den e tratado di CITES i den e protokòl di SPAW.

Tin asina poco Karkó na Kòrsou ku e sòldachinan no por haña otro pa nan por par i asina haña desendiente. Dor di kria miles di sòldachi i despues repartí nan den laman ta trata di yuda e poblashon krese. Ku e proyekto Queen Conch Hatchery ta trata di rehabilitá e poblashon na Kòrsou. Wak e pagina di facebook di Queen Conch Hatchery Curacao pa e progreso di e proyekto aki.

Bo tabata sa...?

Pa mucha sabí ku ke sa mas ainda, tin hopi mas informashon, pelikula i plachi pa klùr riba nos wèpsiat

Òf, mas mihó: bin bishitá nos Marine Education Center na Carmabi Piscadera!



Bo ke sa mas?

Purba buska e siguiente trivia riba internet.

- Karkó ta hèrbivor. Buska ehèmpel di komedó di karni (karnivor) i komedó di tur kos (òmnivor) di ref.
- Ki órgano i sentido karkó tin?

Gosa di sigi buska mas informashon!